



Datum: 11.06.2019.g.

Str: 1+2

Saopštenje namijenjeno javnostima

PRIZNANJA Istaknuti profesor rame uz rame sa svjetskim predavačima i istraživačima

Hadžialić predaje i vodi istraživački projekat na najbolje rangiranom Univerzitetu u Poljskoj

Profesor sa dvije podjednako značajne naučne titule, Assoc. Prof. Dr. & Dr. Honoris Causa Sabahudin Hadžialić od ove akademske godine je [predavač na Fakultetu edukacijskih nauka, Univerziteta Nikola Kopernik u Torunu, Poljska sa modulom „Društveni mediji“](#). Valja istaći da je upravo ovaj državni Univerzitet najbolje rangirani univerzitet u Poljskoj, ali i na svjetskoj rang listi od svih poljskih Univerziteta i nalazi se na 849. mjestu.

[Upravo je prof. Hadžialić i koautor doktorskog studija na ovom Univerzitetu](#), a studentima je tokom marta mjeseca održao 30 časova, dok se ostatak realizira kroz "distance learning" koordinaciju do kraja semestra.

Vođa projektnog tima

No, naš Bosanac i Hercegovac će se, od oktobra 2019.g. svrstati u malu grupu odabranih profesora i naučnih istraživača na univerzitetima u Evropskoj Uniji, a koji dolaze sa prostora Bosne i Hercegovine i kojima je ukazana čast, ali i obaveza, da, pored vlastitog Syllabusa, predloženog unutar modula „Medijska etika“ budu i Vođe naučno-istraživačkih projekata.

Naime, Prof. Sabahudin Hadžialić će predvoditi, kao Šef projekta „Social media“ (*Social media and media ethics – on the edge of manipulation*), koji će biti realiziran unutar perioda od naredne dvije godine 2019-2021, šesteročlani tim u čijem sastavu su:

Assoc. Prof. Dr. and Dr. Honoris Causa Sabahudin Hadžialić, *Šef projektnog tima*

dr hab. Dorota Siemieniecka, prof. NCU, Zamjenik dekana za naučna istraživanja i međunarodnu saradnju Fakultet edukacijskih nauka
i tim ispred Odjela didaktike i Medija u obrazovanju FEN UMK:

Prof. zw dr hab. Bronisław Siemieniecki

dr Małgorzata Skibińska

dr Wioletta Kwiatkowska

dr Kamila Majewska

Udžbenik na engleskom jeziku izlazi iz štampe oktobra 2019.g.

Istovremeno, u pripremi je i novi univerzitetski udžbenik profesora Hadžialića naslova „*Medijska pismenost i Medijska etika: jedini izlaz*“ namijenjen za potrebe Syllabusa „Medijska etika“ pri Fakultetu za edukacijske nauke Univerziteta Nikola Kopernik u Torunu, Poljska, ali i drugih univerziteta koji realiziraju obrazovni program na engleskom jeziku, kako u EU, tako i u SAD, obzirom da je izdavač [*think tank i časopis Eurasia Review*](#) iz Sjedinjenih Američkih Država, gdje je Sabahudin Hadžialić [redovni esejista i kolumnista od 2014.g.](#) Urednici izdanja su: Peter M. Tase (publicista i naučni radnik iz SAD-e koji je do sada uredio sve knjige eseja Prof. Hadžialića u SAD-e, a koje se već nalaze i u [Univerzitetskoj biblioteci UMK](#) u Poljskoj) i dr.hab. Dorota Siemieniecka, profesor UMK iz Toruna, Poljska. Recenzenti udžbenika su uvaženi predavači, profesori iz Bosne i Hercegovine, Srbije i Bugarske: Prof. Dr. Nenad Novaković; Prof. Dr. Dragan Nikodijević i Prof. Dr. Zdravko Popov. Udžbenik izlazi iz štampe do oktobra 2019.g. a za Izdavača, Eurasia Review potpisuje: gl. i odg. urednik Eurasia Review iz SAD-a, Robert Duncan.

Intervju za ugledni naučni časopis „Glas univerziteta“

Pod naslovom "Iskušnja manipulacije" intervju sa Sabahudinom Hadžialićem je vodila uvažena Dr. hab. Dorota Siemieniecka, Prof. UMK, za naučni časopis "Glas univerziteta" (str. 35-40), Univerziteta Nikola Kopernik iz Toruna, Poljska (40.000 studenata, a časopis se objavljuje od 1952.g. - Broj 5-6 (393) iz juna 2019.g.). Na

ovom linku možete pogledati kako poljsku, tako i englesku verziju intervjuja: https://sabahadzi.weebly.com/nauka_science.html dok je direktan link ovdje: <https://glos.umk.pl/wiadomosci/?id=4147> .

Kratka Biografija Prof. Sabahudina Hadžialića:

Sabahudin Hadžialić je rođen 1960.g. u Mostaru, Bosna i Hercegovina, Socijalistička Federalna Republika Jugoslavija. Danas on živi u Sarajevu, Bosna i Hercegovina. On je pisac, pjesnik, novinar, profesor, naučni radnik i urednik. Napisao je 24 knjige (poezije, proze, eseja kao i udžbenika za univerzitete u BiH i u inostranstvu) a njegov umjetnički i naučni rad je preveden na 25 svjetskih jezika i objavio je knjige u BiH, Srbiji, Francuskoj, Švajcarskoj, SAD i Italiji. Član je najvažnijih udruženja i društava književnika u BiH, Srbiji i Crnoj Gori kao i Fondacija i Asocijacija širom svijeta. Kao profesor je predavao i još uvijek predaje na univerzitetima u BiH, Italiji, Litvaniji i Poljskoj. Detaljniji info: <http://sabahadzi.weebly.com>.

Napomena:

U dodatku fotke za odabir kod objave...uz naslovnicu knjige

Srdačan pozdrav,

PR
DIOGEN pro kultura
<http://www.diogenpro.com>

NEKOPIRATI